



PÅ KYRKJEVEG

KYRKJEBLAD FOR ØYSTRE SLIDRE

NR. 3, 62. ÅRGANG, 2023



PÅ KYRKJEVEG

Kyrkjeblad for Øystre Slidre
Utgjevar: Sokneråda i Øystre Slidre.
Bladet kjem med 4 nummer i året.

Redaksjon: Eli Vatn, Martha Viken, Ingrid Meyrick,
Gunvor Hegge og Oddveig Holdal Weeg.

Konto nr.: 2135 25 01678 / VIPPS: 105751

Lay-out: designsaskia.no

Trykk: Bekkevolds Lyskopi ANS

I **dette nummeret** er det spesielt fokus på Rogne sokn. I neste nummer vil vi fokusere på Lidar sokn. Kom gjerne med idéar til stoff.

Frist for innlevering av stoff til neste nummer:
24. oktober 2023

Framsida: Barsedåp ved Olavskjelda.

Foto: Gunvor Hegge



DEN NORSKE KYRKJA

ØYSTRE SLIDRE PRESTEGJELD

Kyrjekontoret, Tingvang, Bygdinvegen 1989,
2940 Heggenes

E-POST: post.oystreslidre@kyrkja.no

KONTORTID: Alle dagar 10 - 14

MERK NYE TELEFONNUMMER!

KYRKJEVERJE: Ove Ekerbakke	481 40 309
SOKNEPREST/FJELLPREST: Eli Vatn	991 29 976
PROST: Carl Philip Weisser	915 55 504
SEKRETÆR: Oddveig Holdal Weeg	916 38 300
KYRKJEGARDSARBEIDAR: Jon Gunnar Solhaug	952 19 341
KYRKJEMUSIKAR: Magne Olav Selland	934 19 294
TRUSOPPLÆRAR: Marianne Straum	901 21 647

SOKNA VÅRE

HEGGE KYRKJE Vipps: 515422

Klokkar: Ola Magnus Vatn Weisser
Kyrkjetenar: Jon Gunnar Solhaug
Reinhaldar: Synnøve Rødningen
Soknerådsleiar: Arnstein Alund

VOLBU KYRKJE Vipps: 590221

Klokkar: Hildur Vingdal
Kyrkjetenar: Svein Hegge
Reinhaldar: Svein Hegge
Soknerådsleiar: Øystein Skattebu

LIDAR KYRKJE Vipps: 135151

Klokkar: Anne Britt Skåthun Hansen-Sørum
Kyrkjetenar: Harald Melby
Reinhaldar: Harald Melby
Soknerådsleiar: Sissel Dahle Lie

ROGNE KYRKJE Vipps: 587467

Klokkar: Anne Britt Skåthun Hansen-Sørum
Kyrkjetenar: Svein Erik Rogne
Reinhaldar: Svein Erik Rogne
Soknerådsleiar: Eli Døvresødegård Skattebu



SOKNEPRESTEN HAR ORDET

Korleis vil vi at kyrkja i Øystre Slidre skal sjå ut?

Hauten er tid for å konsolidere stillinga og tenke framover; korleis vil vi satse i kyrkja sitt arbeid? Nye sokneråd står i startgropa, vi legg planar.

Eit av dei beste bileta på kyrkja i Øystre er kristneteppe! Eit skikkeleg folkekyrkjesymbol. Både fordi folk sjølv eig kristneteppe sine, og brukar dei. Fordi teppet blir brukt ved dei store høgtidene når folk søker til kyrkje. Og folk søker verkeleg til kyrkje ved jul, dåp, konfirmasjon, vigsel og gravferd. Eit stort kull; 32 konfirmantar har nett starta på konfirmantåret sitt, mest alle 6-åringar kom for å hente bøker, brudepar er vigde, og mange har følt sine på si siste reise. Gylnne stunder på stølsmesse sit på netthinna. Også ved store høve som Olsokmarkeringa i Slidre stilte over 300 menneske frå heile Valdres opp, og nokre gjekk heilt frå Etnedal og dit. Som prest vender eg ofte ansiktet mot ganske store forsamlingar!



Eg kjenner behov for å løfte dette fram. Især fordi presse og andre så ofte snakkar kyrkja ned og skapar eit feilaktig negativt bilede. Mitt inntrykk er at folk er trufaste og flinke til å støtte opp om kyrkja sine aktivitetar. Kyrkja, ikkje berre i Øystre Slidre, har i dei seinare år satsa mykje på born og unge. Ei naudsynt satsing då skulen ikkje lenger tek same ansvar for opplæringa i kristendom, og eit større ansvar kviler på foreldre og kyrkje. Ei lukkeleg satsing; mykje liv og røre i kyrkja. Framtid!

Korleis er det så med dei mindre fora? For dei av oss som kan kjenne behov for litt meir åndeleg påfyll? Mest kvar sundag er det gudsteneste i ei kyrkje i kommunen. I mi tid som sokneprest og fjellprest har vi hatt forskjellige samtale- og gruppeopplegg: «Den gode samtalen», boka «Kristen tro oppdatert», «Bibelforteljingar ved peisen» og «Grønt håp». Rogne og Volbu sokneråd har også arrangert diakonisamlingar i kyrkjestogo i Rogne. Pusterom samlar ein gong i månaden nokre av oss til stille bøn i Volbu kyrkje. Salmekvelder fyller Rogne kyrkjestogo med song med jamne melomrom. Eg nemner desse aktivitetane no; då eg gjerne vil ha innspel på om vi skal sette i gang med slike aktivitetar. Kva er de interesserte i, gode sambygdingar? Filosofiske samtalar, meir bibelkunnskap, tradisjonelle bibelgrupper, verdisamtalar? Gje lyd til meg på ev869@kyrkja.no eller 99129976 så ser vi kor vi skal satse.

- Eli



Hverdagsmirakel

AV: ELLEN ODDVEIG RUDI

*«Når alle fuglene flyr gjennom mørket inne i meg
og riper med kalde vingespisser i duggen på hjertet mitt;
da vet jeg; hetere enn forsoning
at all steinen i mitt liv, alt tungt som er lagt på meg
det var til bare for at jeg bedre skulle kjenne disse pinefullt salige snert
av ville vinger» (Hans Børli)*

I dag opplevde jeg et mirakel. Et hverdagsmirakel. For i dag møtte jeg en fugl. En liten fugl, med røde, vakre fjær på brystet. Den kom helt nær, helt inn til ruta på bilen min da jeg kjørte i det duse morgengryet. I denne stunden, akkurat i disse minuttene før natten helt gir slipp og den nye dagen forsiktig smyger seg inn mot sansene mine. Det var da jeg møtte den!

Den var så liten, så uendelig sårbar mot den store bilruten. Noe av det aller, aller minste. Mykt dun som varmet et lite, bankende hjerte. Det røde, lille brystet lyste mot meg i morgengryet. Blikkene våre møttes der, i et lite, hastig sekund. Store blanke øyne som møtte mine med en slik styrke og inderlig kraft at jeg bare måtte stanse bilen, bruke noen minutter

på å ta inn at jeg hadde møtt noe hellig. Bare kjenne på å være en del av noe større. For disse store, blanke øynene hadde sett helt inn til sjelen min - møtt meg der jeg var. Og utenfor bilruta ble natten til dag.

Og jeg ble så takknemlig, så ydmyk. Fylt av undring. For den ga meg så mye, denne lille fuglen; akkurat da jeg trengte det. Håp om at alt blir bra, tro på at mirakler finnes, og en gammel visdom om at ingenting er umulig. Et håndtrykk fra Gud da jeg trengte det aller mest.

Og jeg tenkte på dette diktet av Børli, det om ville vinger. Og plutselig fikk disse ordene så sterk betydning. For den strøk virkelig dugget bort fra hjertet mitt, denne lille fuglen. Den gjorde det

med de myke, små vingene sine. Vinger jeg trodde var sårbare, men som likevel har styrke til å bære denne fuglen så uendelig høyere enn meg. Som viste meg at det er jeg som blir så uendelig liten, midt i alt dette store. At det er jeg som er sårbar. Og da er det godt å finne trøst, det er godt å bli berørt av et håndtrykk fra noe hellig. Det er godt å finne ro.

Gud sender bønnesvar på mange ulike måter. Ofte annerledes enn det vi kanskje hadde tenkt. Jesus snakket om å be, om å ikke gi opp selv om svaret ikke kommer med en gang. Holde ut. Vi trenger å legge fra oss noe tungt iblant, legge det i hendene på noe som er større enn oss selv. Våge å tro på at sterke hender holder, slik at vi kan finne fred.

Gud lytter. Stille rekker Han hendene fram, og kjærlig bærer Han det vi greier å legge fra oss.

Jeg møtte en fugl, i dag. Og jeg møtte Gud.

Takk.

PRESTEORDINASJON I VALDRES

Denne fine andakten fekk vi frå Ellen Oddveig Rudi frå Øystre Slidre som heilt sidan 2014 har arbeidd innan kyrkja i dei fleste prestegjelda i Valdres. Ho har hatt fleire roller både som kyrkjelydspedagog, klokkar og diakon. I denne tida har ho take utdanning fyrst som diakon, men dei siste åra har ho utdanna seg til prest. Den 27. august vart ho ordinert av vår nye biskop i Hamar bispedømme i Hedalen Kyrkje her ho no er tilsett som sokneprest. På bildet ser vi Ellen saman med dei som deltok i ordinasjonsgudstenesta. På hennar venstre side ser vi Signe Elisabeth Kvåle, som er sokneprest i Sør Aurdal. Ho kjem også frå Øystre Slidre og vart i si tid innvigd som misjonær i Hegge kyrkje. Dette er to flotte representantar frå bygda vår. Vi ynskjer Ellen lykke til i denne viktige tenesta!

- Ingrid M.



Dei som var med ved ordinasjonsgudstenesta. Foto: Arne G. Perlestensbakken



Stølsmesser

– Yddelie

16. juli Rogne sokn

tekst og foto: Rogne sokneråd

I år vart stølsmessa for Rogne sokn på Yddelie der Svein Erik Rogne held til på fellesstølen.

Datoen var sett: Messe, kyrkjekaffi – ta med stol. Altså var det duka for utemesse. Det hadde regna nesten kvar dag i to veker. Då var det håp for opphald denne dagen! Dagen kom og det var regn i luften. Det var nok best å halde messe innadørs i dag.

Med fyr i peisen og 34 personar som møtte, vart det ein fin formiddag i lag. Carl Phillip Weisser ynskte velkomen med eit dikt av Boye Skeie som passa særst godt til messa i fjellheimen. Emil Hagen Bergene, 8 år, opna med eit par låttar på to-rader. Bygda er heldig som har slike ressursar å ta av. Fengande rytmar for tilhøyrarar og spelemann som kosa seg blant publikum er eit godt samantreff.

Talen for dagen hadde eit ærleg, viktig og alvorsamt budskap. Weisser minna oss om at vi alle har fleire sider ved oss sjølve. Om vi t.d. har gjort ein feil, kan det vera freistande å teie om dette. Men dei er der i alle menneska – meir eller mindre. Det er noko som høyrer med i historia. Det kan vera ubehageleg å innrømme, også for oss sjølve, men iblant kan det òg vera til trøyst for oss alle at ingen er feilfrie.

– Øystre Kjøllastølen

23. juli Hegge sokn

tekst og foto: Anita Rudi

Stølsmesse på Øystre Kjøllastølen på stølen til Gjerdalen (på Bakko). Trass i litt regn og ruskevêr i nærleiken, såg vi sola og ingen vart blaute.

Siri Gjerdalen Oldre og Christopher Markrud døypte sonen Lucas, og over 70 personar møtte opp. Saft, kaffi og kaker vart servert på stølsvollen, med fin utsikt over Nørre og Sørre Kjølen.

Dåp på stølsmessa



Soknerådrepresentantar stod for traktering rundt borda medan regnskurene kom, den eine etter den andre.

FELLESSTØLEN

Interessant var det å høyre om opphavet til fellesstølen. Ingrid Bredesen og Marit Robøle, som var på stølsmessa, vart oppfordra til å fortelje litt om starten. Det var dei to med mennene deira; Torbjørn Bredesen og Ola Robøle saman med Hanne og Erik Robøle, Berit og Ottar Bolstad som sette i gang med å arbeide opp jorder, beite og bjørke-ly for 50 mjølkekyr. Arbeidet med dette tok til sist på 1970-talet.

Mjølkestall vart fyrst bygd. Borevatn kom på plass. Året etter vart sælet bygd. Det rommar to leilegheiter. Då desse gav seg med mjølkekyr selde dei sin andel vidare. I dag er det Svein Erik Rogne, Anne Stine Fjelltun og Knut Jørgen Rudi som har kvar sin andel.

Endå eit musikkinnslag fekk vi. Denne gongen var det Emil på to-rader og Carl Phillip på gitar som spelte saman. Dei kalla bandet sitt for «Stølsgutane» og håpar på fleire oppdrag etterkvart. Takk til Weisser for ei god og innhaldsrik messe, til Emil for godt framførte låttar, til Svein Erik for å ta imot oss på stølen, til Marit og Ingrid som fortalte om oppstarten til stølen vi var på. Takk til framsmøtte og for hyggeleg samvær på Yddelie. God haust til dykk alle! Med helsing Rogne sokneråd.



Svein Erik Rogne ynskjer oss velkomen



Musikkinnlegg av Stølsgutane

– Nørre Trøllåsen

30. juli Volbu sokn

tekst og foto: Morten Haugseth

Sundag 30. juli vart det skipa til gudsteneste på Nørre Trøllåsen hjå Bjørg Kristin og Odd Ivar Opheim, som stølar med flott og mangfaldig buskap (kyr, grisar, høner og ein hane).



Bjørg Kristin Skogen Opheim fortel om stølslaget

Morten Haugseth ønska alle velkomen før Bjørg Kristin fortalte litt om stølslaget. Prest Eli heldt ei fin gudsteneste stødig akkompagnert av kyrkjemusikaren for dagen, prost Carl Philip, på gitar. Det var 45 oppmøtte med smått og stort - der dei minste sette stor pris på sandkassa, som var godt utstyrt for dagen. Sjølv med nokre mørkare skyer rundt omkring, var det opphald og vi kunne halde kyrkjekaffien utandørs.

Vi takkar igjen vertsskapet og alle som bidrog til ei flott oppleving denne dagen.



Gamlesælet

– Ole

6. august Lidar sokn

tekst og foto: Sissel Dahle Lie

Søndag 6. august var vi samla til stølsmesse i Ole, på stølen til Bjørn Brager og Anniken Eckhoff. Det var sur vind, men det var opphald heile dagen. Lite visste vi kva dei neste dagane skulle bringe.....

Det var sett opp telt som ga ly for vinden til heile kyrkjelyden, som denne dagen talte 60 personar.



Gerd Brager og Inger Marit Viken ynskjer velkomen til stølsmesse i Lidar



Kaffi og ein hyggeleg prat

Fyrst spelte og song Elida Gudheim for oss. Ho formidla mellom anna «I Ole tjedn i Ole kinn» på langeleik og song. Det var ei flott innleiing før Gerd Brager og Inger Marit Viken ynskte alle velkomne og fortalte om stølslaget.

Prost Carl Phillip Weisser heldt ei messe prega av både humor og alvor. Magne Olav Selland spelte på hardingfele og munnharpe, Carl Phillip hadde med gitaren sin på eit par av salmane. Det var ei fin stund der vi sat tett saman i teltet.

Etterpå baud stølslaget og soknerådet på kyrkjekaffi. Vi kosa oss med kaffi, gode kaker og ikkje minst gode samtaler. Takk for laget.

Søndag 27. august var det gudstenester i Rogne kyrkje og Lidar kyrkje, der årets fyrsteklassingar fekk utdelt «Mi kyrkjebok 6» av sokneråda. Vi ynskjer alle dei flotte borna lukke til på skulen!



LIDAR: Bak frå venstre: Eli Vatn, Tobias Rudi-Gran, Tobias Ekerbakke, Turi Hedalen, Lea Abelsen Nordtorp, Oskar Hegge-Hippe, Vinjar Robøle, Lene Skrebergene, Anna Helle Schlytter, Synne Rosén Martinsen, Andreas Fjellstad Lie
Foto: Marianne Straum



ROGNE: Frå venstre: Olav Nordsveen Myrvold, Tilja Bergene Klevar, Edith Rabben Lundby, Truls Edwin Godtlund Askestrand, Yakym Zholnikov. Bak står Eli Vatn. Ikkje med på bilete: Iver Hegge Blomlie og Melaher Mahari, men dei var tilstades og fekk bok. Foto: Marianne Straum



Backstage like før framføring

Historisk spel, opning av kultursti og prestegardsjubileum

TEKST OG FOTO: ELI VATN



Volbu 17. juni 2023 var arena for store møte! Historie møtte notid, Odin og Tor kristendomen, prestegardssongar humler, høner og lydthørt publikum.

Vi starta ved stupulen ved kyrkja. Stupulen ligg på ein gravhaug, og her fekk 1000 år gamle vølbuingar liv i møte med Olav den heilage. Kari Onstad hadde skreve manus og hadde regien. Ho hadde samla sceneglade sambygdingar til å levendgjera dramaet om da Olav kom til Volbu. Her som elles i Valdres møtte Olav motstand; den gamle trua var best,

men med argumentasjon, list og makt fekk han vølbuingane til å gje seg over til den Kristne trua.

Carl Philip Weisser hadde rolla som skald/forteljar, Sigbjørn Lien som Olav. Torgeir Onstad og Svein Hegge sørga for teatermusikken. Vi andre inntok rollene som bygdefolk og Olavs soldatar.

Etter spelet sørga kultursjef Kari Onstad for den høgtidelege opninga av kulturstien. Dei ca 70 frammmøtte fekk ei omvisning i stien før vi enda opp i prestegarden til jubileumskaffi servert og ordna av Helselaget.

Prestegarden i Volbu vart sett opp av byggmeister Erik Eriksson Moe (han som bragte loverosa til Valdres og mellom anna også stod for bygginga av Hen-

såsen kyrkje). Ho vart bygd i perioden 1922-23/4 og siste del av dagen vart via 100 års jubileet for prestegarden. Geirr Lystrup har i samarbeid med prestegardens tidlegare eigar OVF gjeve ut ei plate med prestegardssongar. Til stor fryd for dagens bebuar: underteikna og Carl Philip, tidlegare prestegardsbebuarar og 50-60 andre frammmøtte song han om prestegardsliv, humlene som suste og hønene som la egg.

Regnet held seg borte til konserten var over, og vi verkeleg kunne puste ut etter ein livleg og morosam dag i Volbu.

Takk til oss alle for veldig hyggeleg samarbeid mellom Sparebankstiftelsen, Volbu grendelag, Volbu sokneråd og kulturetaten ved Kari Onstad.



Soldatane er klare



Geirr Lystrup syng for humler, høner og folk



TRUSOPPLÆRINGSABONNEMENT:

«Størst av alt» er kyrkja sitt program for trusopplæring. Gjennom faste, tidsavgrensa, alderstilpassa opplegg får barn og ungdom som er døypte tilbod om systematisk og samanhengande trusopplæring. Samlingane er prega av varierte arbeidsformer som til dømes song/musikk, lek, forteljing, dramatisering, utprøving/etterforsking, smågrupper og gudsteneste. Dersom foreldra til born som ikkje er døypte i Den norske kyrkja, ynskjer tilbod om trusopplæring, kan barnet registrerast på kirken.no/minside og vil då få invitasjon til tiltaka. På heimesida vår kyrkja.no/oystre-slidre kan du lese meir om dei ulike tiltaka. - Marianne Straum

NYTT BISPEDØMMERÅD

Det har ikkje vore berre val på nye sokneråd i haust. Noko fjernare for oss alle var valet på nytt bispedømmeråd. Det var ikkje mange av namna på listene som var kjende for oss då vi sto der og skulle stemme. Men då lista var klar, var det i alle fall eitt kjent ansikt for oss alle! Gratulerer med valet, Eli, og lykke til i arbeidet i bispedømmerådet!

HER ER NAMNA PÅ VÅRT NYE BISPEDØMMERÅD:

Kjersti Drtina Øversveen, skolefaglig rådgiver, Elverum, f. 1965, Åpen folkekirke

Gunnstein Endal, pensjonert kirkeverge, Gjøvik, f. 1956, Nominasjonskomiteens liste

Sveinung Moesgaard Skjesol, prosjektleder, Gjøvik, f. 1970, Åpen folkekirke

Anne Kristine Rossebø, landbrukssjef, Våler i Solør, f. 1962, Nominasjonskomiteens liste

Vanja Hole Joramo, student, Lesja, f. 2001, Åpen folkekirke

Filip Hovland, student, Hunndalen, f. 2000, Bønnelista

Adrian Sagvold Grøndahl, student, Gjøvik, f. 1998, Nominasjonskomiteens liste

Eli Vatn, sokneprest i Øystre Slidre, representant for prestene

Ole Jacob Dyrnes, kirkeverge i Gran, representant for de lek kirkelig.



Hamar bispedømmeråd 2024 - 2027 Kirke-valget 2023

Kyrjeklokkene ved Rogne kyrkje

TEKST: Martha Viken FOTO: Svein Hegge

“Høyr kor kyrjeklokka lokkar med ein høg og heilag klang, alle folk og alle flokkar til ein hugsam kyrkjegang!” seier Anders Hovden. Kyrjeklokkene kallar til høgtid og fest, til sorg og glede og til gudstenester kvar sundag i bygd og by over heile landet.

Rogne kyrkje vart offisielt innvia i 1857 og ein del av inventaret er frå tidlegare kyrkjebygg, mellom anna ei altartavle og kyrjeklokkene i stupulen. Korskyrkja på garden Rogne hadde to små klokker i tårnet. Kyrkja var betalt av “en fattig almue uden nogen Hjelp”. Denne kyrkja har truleg stått der våninghuset på Kyrkjeberg står i dag.

I stupulen i Rogne heng det i dag to klokker. Den eine klokka er støypt om. Truleg er det dei to små klokkene som er nemnt i 1676 som Knud Andreas Sundt støypte om. Største klokka i tårnet er støypt av O.Olsen og Sønn klokkestøyperi i Tønsberg i 1950. Klokka har denne innskrifta: “Ring klokke ring fred over bygdi vaar ned. Gjevne av Rogne kyrkjelyd”. Den minste klokka er



Største klokka i tårnet. Støypt av O. Olsen og Sønn klokkestøyperi i Tønsberg i 1950.

og støypt av O. Olsen og Sønn i 1950. Innskrifta her der er: “Ole Hove, O.N Strande. Med din klang sign vaar gang.”

I heftet om Rogne kyrkje som vart gjeve ut i 1982 står det følgjande: “Ola K. Rudibråten, Bendikssonplassen me kalla, fødd i 1856, fortel at han var den siste som vart døypt i gamlekyrkja på Kyrkjeberg. Han fortel også om dei gamle klokkene at dei vart støypte om att i 1847 til to nye, og då med tilsetjing av nytt metall med meir. Støytinga gjekk føre seg på Rogne gard av Klukkestøyper Knud Andreas Sundt, men Rogneklokkene fekk ikkje den rette klangen. Støyperen gret av harme då han hørde den dårlege klangen, ja det var til og med dei som kalla dei nystøypte klukkene for “Bjølludn” “.

Då eg leitte etter informasjon på Google: www.kyrjeklokker.no/rogne-kyrkje, kom eg over ein video med “Klokking i Rogne kyrkje, der Helge Nilssen Øystre Slidre ringer tårnklokkene”. Det var med glede, men og med sorg og vemod eg såg og lytta til ringinga. Helge gjekk bort så altfor tidleg og ligg i dag på Rogne kyrkjegard. Er de interesserte så gå inn og høyr- det er mektig og flott!



Den minste klokka i tårnet. Denne klokka er også støypt av O. Olsen og sønn i 1950.



Største klokka i stupulen. Støypt av Knud Andreas Sundt i 1847.



Minste klokka i stupulen. Også denne er støypt av Knud Andreas Sundt.

Gullkonfirmantar 2023

Fremst frå venstre: Ingrid Bjørg (Bolstadbråten) Hovi, Sigrid Anne Størdal, Gunhild Marie Røyne, Solveig Karin (Rogne) Enger, Eli Vatn. I midten: Gunvor Reinlie Swiboda, Sissel Rogne, Grethe Klevebråten, Ingrid Bjørg (Skrebergene) Hermundstad. Bak frå venstre: Oddvar Vingdal, Kristen Haugen, Tor Erik Grønolen, Lars Kristian Skattebu, Kjetil Sebu, Arve Enger, Oddvar Kristen Lie.

Foto: Liv Astrid Reinlie



Nytt gjerde rundt kyrkjegarden i Volbu

Ei soknerådsperiode er snart over. Mykje bra er gjort rundt omkring av sitjande sokneråd: konsertar haldne, ungar, vaksne, eldre, tekne hand om i kjære kyrkjer. Eitt og anna dugnadsprosjekt er og ordna; her Volbu sokneråd i kunnig oppsett av nytt gjerde ved Volbu kyrkje!

- Eli Vatn



KYRKJELEGE HANDLINGAR JUNI - SEPTEMBER 2023

GRAVFERD

ROGNE KYRKJE

Edvin Magne Melbybråten
Målfrid Rogne-Renna
Irene Nielsen
Gunn Irene Rogne
Jostein Schlytter
Arne Georg Haugen
Sigrid Roland
Magne Hovi

HEGGE KYRKJE

Lars Klepzig
Knut Røyne
Tordis Lien Grøtberg

LIDAR KYRKJE

Leif Andresen
Borghild Marie Berge
Alfred Nysveen

DÅP

ROGNE KYRKJE

Elsa Gullord Bjelbøle
ROGNE SOKN
Amalie Jakobsen
Hoberg (Høyjord stavkirke)

LYSKAPELLET

Lyder Olai Heggemo

HEGGE SOKN

Lucas Oldre Markrud
(Øystre Kjølastølen)

LIDAR KYRKJE

Ine Bjørneseth
Storrusten

VIGSEL

LYSKAPELLET

Marielle Falkenberg Udahl og Mikkel Karlsen
Maren Hansen Rakstad og Martin Gunderhuset
Bjørg Hovi og Tord Erling Tvenge

HEGGE KYRKJE

Kjersti Haugland og Nils Kristian Knudsen
Anita Rødningen og Stig Svenstad
Lillian Robøle og Oddvar Presthegge

LIDAR KYRKJE

Hilde Røe og Bjørnar Lykken
Marie Bjørneseth og Trond Mørstad Storrusten
Louise Risholm Bauer-Nilsen og Lars Erik Tiset
Skraastad
Henriette Wiken Lund og Magnus Bergersen
Lystad

ROGNE KYRKJE

Viktoria Hagene og Nils Kristian Bergli
Miriann Bergheim Quezada og Ole André
Bolstadbråten
Hanne Abel Hellvik og Henrik Meisdalshagen

VOLBU KYRKJE

Anne Jørgensen og Vidar Haugene

VELKOMEN TIL KYRKJE!

Oktober

01 10 2023

Volbu kyrkje kl. 11.00

Høgmesse og dåp ved sokneprest Eli Vatn

15 10 2023

Lyskapellet kl. 11. 00

Gudsteneste ved sokneprest Eli Vatn

22 10 2023

Rogne kyrkje kl. 11.00

Høgmesse med dåp ved sokneprest Eli Vatn

29 10 2023

Volbu kl. 11.00

Høgmesse ved prost Carl Philip Weisser

November

05 11 2023

Hegge stavkyrkje kl. 19.30

Helgemesse ved sokneprest Eli Vatn

12 11 2023

Lidar kyrkje kl. 11.00

Gudsteneste ved prost Carl Philip Weisser

12 11 2023

Volbu kyrkje kl. 19.30

Songgudsteneste ved prost Carl Philip Weisser

26 11 2023

Rogne kyrkje kl.11.00

Høgmesse ved sokneprest Eli Vatn

Desember

03 12 2023

Volbu kyrkje kl. 11.00

Høgmesse ved prost Carl Philip Weisser

17 12 2023

Hegge stavkyrkje kl. 19.30

Vi syng jula inn ved sokneprest Eli Vatn og konfirmantane

20 12 2023

Skulegudstenester ved sokneprest Eli Vatn

Lidar kyrkje kl. 08.30

Rogne kyrkje kl. 10.00

Volbu kyrkje kl. 11.30

24 12 2023

Lidar kyrkje kl. 13.00

Julaftangudsteneste ved sokneprest Eli Vatn

24 12 2023

Rogne kyrkje kl.14.30

Julaftangudsteneste ved sokneprest Eli Vatn

24 12 2023

Hegge kyrkje kl. 16.00

Julaftangudsteneste ved sokneprest Eli Vatn

Konsertar

Tidspunkt blir annonsert på heimesida og Facebook-sida til kyrkja.

07 12 2023

Lidar kyrkje

Julekonsert med Valdres

Kammerkor

10 12 2023

Lidar kyrkje kl.18.30

Jul med Valdresmål og meining

med Gaute Lein, Ørnulf Dyve,

Kasper Dyve og Lars Jemterud

12 12 2023

Hegge kyrkje

Juleforestilling med Kulturskulen

13 12 2023

Lidar kyrkje

Juleforestilling med Kulturskulen

14 12 2023

Rogne kyrkje kl.18.30

Jul med Valdresmål og meining

med Gaute Lein, Ørnulf Dyve,

Kasper Dyve og Lars Jemterud

20 12 2023

Rogne kyrkje

Julekonsert Øystre Slidre Sanglag

Helgemesse 5. november

Dette er den sundagen i kyrkjeåret vi på ein særskild måte minnst dei i kyrkjelydane som har døydd frå oss det siste året.

Vi les opp namna og tenner ljøs, og mange nyttar dagen til ein tur på kyrkjegarden.

Men messa er ikkje berre for dei som ber på sorg og sagn, sundagen er også til minne om «dei heilage» helgenane. Difor er sundagens farge den kvite festfargen og ikkje den fiolette sørgefargen. Det er sundagen der vona om himmelen får stor plass, både i salmar og tekstlesingar.

Sjølv om dei pårørande til dei som har gått bort får særskild invitasjon i posten, er messa for alle.

Messa er for heile Øystre Slidre i Hegge kyrkje 5. november kl. 19.30.

Den gylne time

Kvar torsdag kl. 17.30 i Lyskapellet.

www.skjerikirken.no

Dette er ei felles infoside om alt som skjer i kyrkja.

KYRKJA SI HEIMESIDE:

www.kyrkja.no/oystre-slidre

KYRKJA ER ÒG PÅ FACEBOOK.

[/Kyrkja-i-Øystre-Slidre](#)

Her fortel vi om hendingar og opplegg knytt til kyrkjer og kyrkjeliv i kommunen.

Babysong

7. november, 21. november og 5.

desember i Rogne kyrkjestogo kl.11-13

Babyar mellom null og eitt år er hjarteleg velkomne saman med foreldra til ei koseleg stund med song, musikk og lett servering.

Salmekveld

Salmekveldar i Rogne kyrkjestogo kl. 19.00

Pusterom

Open kyrkje i Volbu frå kl. 18.00. Felles meditasjonsstund frå kl. 18.30

Datoar for salmekveldar og pusterom blir kunngjort i gudstenestelista i avisa Valdres, heimesida og Facebook-sida til kyrkja.